

ALVER KOMMUNE
Postboks 4
5906 FREKHAUG**Kulturminnefagleg fråsegn - dispensasjon - oppføring av tomannsbustad - gnr 138
bnr 9 - Tveiten øvre- Alver kommune**

Vestland fylkeskommune takkar for tilsendt tilleggsinformasjon. Vi skulle ynskt at denne ga eit enda tydelegare bilete av nær- og fjernverknaden til det omsøkte tiltaket i eksisterande situasjon. Illustrasjonane er likevel tilstrekkelege, i og med at vi har konkludert med å stille oss bak Statsforvaltaren si avgjerdsle i saka. Den stykkevise utbygginga utan overordna reguleringsplan, har negative følgjer for kulturlandskap og kulturmiljø i området, som ligg innanfor omsynssone kulturmiljø H570_1 (Den indre farleia) og i nærleiken av Alversund kyrkje med tilhøyrande mellomalderkyrkjestad.

Vi ser heller ikkje at argumentasjonen, som går på at det allereie er bygd ut eit stort bygningskompleks ned mot sjøsida, er formildande for dette tiltaket. Eit nytt tiltak her vil gjere at samla bygningsmasse vil stå fram som enda meir dominerande og bastant, ikkje minst frå sjøsida. På bakgrunn av dette rår vi ifrå oppføring av tomannsbustad i området.

Konklusjon

Vestland fylkeskommune rår ifrå oppføring av tomannsbustad i gjeldande område, då vi meiner tiltaket vil virke skjemmande og få negative konsekvensar for kulturmiljøet i området der særleg Alversund kyrkjestad og kulturmiljø H570_1 Den indre farleia er viktig å ivareta

Med helsing
omsynssone kulturmiljø H570_1 (Den indre farleia)

Karoline Hareide Breivik
fagleiar

Berit Vik
seniorrådgjevar

Brevet er elektronisk godkjent og har difor inga handskriven underskrift